



GRADSKO VIJEĆE

Na osnovu člana 13. stav 2. alineja 5. i 35. stav 3. Zakona o principima lokalne samouprave („*Službene novine FBiH*“, broj 49/06 i 51/09), člana 5. Zakona o zakupu poslovnih zgrada i prostorija („*Službeni list SR BiH*“, broj 33/77, 12/87, 30/90 i „*Službeni list RBiH*“, broj 7/92, 3/93 i 13/94), člana 6. Staturane Odluke o organizaciji Grada Gradačac u skladu sa Zakonom o Gradu Gradačac („*Službeni glasnik Grada Gradačac*“, broj 1/19), Gradsko vijeće Gradačac na prijedlog Gradonačelnika na sjednici održanoj dana _____ 2020. godine donosi

ODLUKU o izmjeni i dopuni Odluke o uslovima i načinu izdavanja u zakup poslovnih zgrada i prostorija u vlasništvu Grada Gradačac broj 01-04-144/20 od 25.06.2020. godine

Član 1.

U Odluci o uslovima i načinu izdavanja u zakup poslovnih zgrada i prostorija u vlasništvu Grada Gradačac broj 01-04-144/20 od 25.06.2020. godine (u daljem tekstu:Odluka)

- mijenja se i dopunjava član 3., tako da isti sada glasi:

„Poslovne prostorije se dodjeljuju u zakup za obavljanje djelatnosti pravnih i fizičkih lica, državnih organa i organizacija, **političkih stranaka koje participiraju u radu Gradskog vijeća Grada Gradačac, boračkih udruženja, humanitarnih organizacija, kao i udruženja i organizacija od posebnog kulturnog i društvenog interesa koje djeluju na području grada Gradačac**, udruženja građana i samostalnih privrednika.“

-mijenja se i dopunjava član 8. tačka 8. koja sada glasi:

„odredbu da se ne mogu prihvati prijave pravnih i fizičkih lica koji su po bilo kom osnovu dužnici prema Gradu Gradačac i **Poreznoj upravi FBiH**.“

-mijenja se i dopunjava član 9., tako da isti sada glasi:

„Pravo učešća na javnom konkursu (oglasu) imaju sva fizička i pravna lica, osima fizičkih i pravnih lica koja prema Gradu Gradačac i **Poreznoj upravi FBiH** imaju neizmireno dugovanje po bilo kom osnovu, kao i pravna lica u vlasništvu fizičkih lica koja imaju neizmirena dugovanja prema Gradu Gradačac i **Poreznoj upravi FBiH**.“

-mijenja se i dopunjava član 10. stav 3., tako da isti sada glasi :

„Uslovi za određivanje najpovoljnije ponude po javnom konkursu (oglasu) za izdavanje u zakup poslovnih prostorija političkim strankama i partijama koje imaju formirane klubove u Gradskom vijeću, a kojima Gradsko vijeće obezbjeđuje rad u skladu sa Poslovnikom o radu Gradskog vijeća, **kao i boračkim udruženjima, humanitarnim organizacijama i udruženjima i organizacijama od posebnog kulturnog i društvenog interesa, koje djeluju na području grada Gradačac**, će biti određeni u Odluci o raspisivanju javnog oglasa za davanje u zakup poslovnih prostorija, koju donosi Gradsko vijeće.“

-mijenja se i dopunjava član 12. stav 3., tako da isti sada glasi:

„Visina zakupnine za političke stranke i partie koje imaju formirane klubove u gradskom vijeću, a kojima gradsko vijeće obezbjeđuje rad u skladu sa Poslovnikom o radu Gradskog vijeća, kao i

boračkim udruženjima, humanitarnim organizacijama *i udruženjima i organizacijama o posebnog kulturnog i društvenog interesa, koje djeluju na području grada Gradačac*, će biti obračunata po cijeni iz stava 1. Alineja 7. bez obzira na lokaciju poslovne prostorije.“

***boldirani dio teksta predstavlja izmjene u određenim članovima, dok neboldirani dijelovi ostaju nepromijenjeni**

Član 2.

Ostale odredbe Odluke ostaju nepromijenjene.

Član 3.

Ova Odluka stupa na snagu odmah, danom usvajanja na sjednici Gradskog vijeća Grada Gradačac, a ista će biti objavljena u Službenom glasniku Grada Gradačac.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
-Gradsko vijeće-

Broj :
Datum :

PREDsjedavajući
GRADSKOG VIJEĆA

O b r a z l o ž e n j e

Članom 13. stav 2. tačka 5. Zakona o principima lokalne samouprave u FBiH propisano je da *Vijeće u okviru svojih nadležnosti donosi odluke o upravljanju i raspolaganju imovinom jedinice lokalne samouprave*, dok je članom 35. stav 3. propisano da *Vijeće odlučuje o pribavljanju, korištenju, upravljanju i raspolaganju imovinom jedinice lokalne samouprave*.

Članom 3. Pravilnika o postupku javnog konkursa za raspolaganje nekretninama u vlasništvu FBiH, kantona, općina i gradova („*Službene novine FBiH*“, broj 17/14) propisano je da Odluku o načinu i uvjetima raspolaganja nekretnine u vlasništvu gradova donosi gradsko vijeće, na prijedlog gradonačelnika grada.

Članom 5. Zakona o zakupu poslovnih zgrada i prostorija određeno je da se zakup poslovnih zgrada i poslovnih prostorija zasniva ugovorom između zakupodavca i zakupca, kao i da visinu zakupnine za poslovne prostorije sporazumno određuju zakupodavac i zakupac ako posebnim propisima nije drugačije određeno.

Članom 6. stav 1. tačka 7. Statutarne odluke o organizaciji Grada Gradačac u skladu sa Zakonom o Gradu Gradačac propisano je da Gradsko vijeće u okviru svojih nadležnosti donosi odluke o upravljanju i raspolaganju imovinom Grada.

Navedenom odlukom se privremeno, u skladu sa Zakonom o gradu Gradačac do donošenja Statuta Grada Gradačac, utvrđuju gradski organi, način njihovog rada i druga pitanja od značaja za organizaciju, status i obilježja Grada Gradačac.

Predloženom izmjenom i dopunom Odluke broj 01-04-144/20 od 25.06.2020. godine omogućiće se pravilnije tumačenje i primjena iste u postupcima dodjele u zakup poslovnih prostorija, te se stoga predlaže i njeno stupanje na snagu danom usvajanja na sjednici Gradskog vijeća.

Shodno navedenom, predlaže se Gradskom vijeću Grada Gradačac da izmjene i dopune Odluke broj 01-04-144/20 od 25.06.2020. godine usvoji u prezentiranom tekstu.

Obrađivač:
Gradska Služba za geodetske i
imovinsko-pravne poslove

Predlagač:
Gradonačelnik



Bosna i Hercegovina
Federacija Bosne i Hercegovine - Tuzlanski kanton
Grad Gradačac

GRADSKO PRAVOBRAILAŠTVO GRADAČAC

ul. Partizanske bolnice b.b. (zgrada Crvenog krsta/križa), 76 250 Gradačac, telefon/faks: 035-369-776

Broj: M-77/20

Datum: 17.09.2020. godine.

GRADSKA SLUŽBA ZA GEODETSKE I IMOVINSKO-PRAVNE POSLOVE

Gradska pravobranilaštvo Gradačac, postupajući po zahtjevu Gradske službe za geodetske i imovinsko-pravne poslove, za davanje pravnog mišljenja na prijedlog odluke o izmjeni i dopuni Odluke o uslovima i načinu izdavanja u zakup poslovnih zgrada i prostorija u vlasništvu Grada Gradačac br. 01-04-144/20, od 25.06.2020. godine, temeljem odredbe člana 14. Zakona o pravobranilaštvu TK (Službene novine TK br. 4/04, 5/08, 2/14, 4/18), daje slijedeće:

PRAVNO MIŠLJENJE

Dana 16.09.2020. godine Gradskom pravobranilaštvu Gradačac, od strane Gradske službe za geodetske i imovinsko-pravne poslove, dostavljen je Akt br. 08/2-27-2118/20, od 15.09.2020. godine, sa zahtjevom za davanje pravnog mišljenja na prijedlog odluke o izmjeni i dopuni Odluke o uslovima i načinu izdavanja u zakup poslovnih zgrada i prostorija u vlasništvu Grada Gradačac br. 01-04-144/20, od 25.06.2020. godine.

Cijeneći dostavljeni zahtjev Gradska pravobranilaštvo navodi da je na temeljnu Odluku o uslovima i načinu izdavanja u zakup poslovnih zgrada i prostorija u vlasništvu Grada Gradačac (Sl. Glasnik Grada Gradačac br. 5/2020), dalo Pravno mišljenje br. 38/20, od 11. i 27.05.2020. godine, te 11.06.2020. godine, a koje se odnosi i na zahtjev za davanje pravnog mišljenja iz Akta od 16.09.2020. godine.



1. Dostaviti Službi za geodetsko-imovinsko pravne poslove 1x.
2. U spis.



Bosna i Hercegovina
Federacija Bosne i Hercegovine
Tuzlanski kanton
GRAD GRADAČAC

H.K.Gradačevića 54, 76 250 Gradačac, telefon 035-369-750, fax. 035-369-751, e.mail: opc.grad@bih.net.ba, www.gradacac.ba

GRADSKO VIJEĆE

Na osnovu člana 13. stav 1. alineja 5. i 35. stav 3. Zakona o principima lokalne samouprave ("Službene novine FBiH", broj 49/06 i 51/09), člana 5. Zakona o zakupu poslovnih zgrada i prostorija ("Službeni list SR BiH", broj: 33/77, 12/87, 30/90 i "Službeni list R BiH", broj: 7/92, 3/93 i 13/94), Zakona o zaštiti i korištenju kulturno-istorijskog i prirodnog nasljedja („Sl. list SR BiH“ broj: 20/85, 12/87, 3/93 i 13/94), člana 6. stav 1. tačka 7. Statutarne odluke o organizaciji Grada Gradačac u skladu sa Zakonom o Gradu Gradačac ("Službeni glasnik Grada Gradačac", broj 1/19), Gradsко вijeће Grada Gradačac, na sjednici održanoj 25.06.2020. godine, donosi

O D L U K U o uslovima i načinu izdavanja u zakup poslovnih zgrada i prostorija u vlasništvu Grada Gradačac

I - OPĆE ODREDBE

Član 1.

Odlukom o uslovima i načinu izdavanja u zakup poslovnih zgrada i prostorija u vlasništvu Grada Gradačac (u daljem tekstu: Odluka) utvrđuju se kriteriji i mjerila, uslovi, način i postupak dodjele u zakup poslovnih zgrada i prostorija (u daljem tekstu: poslovna prostorija), zasnivanje, trajanje i prestanak zakupa, visina i način plaćanja zakupnine, te ostala pitanja iz odnosa zakupa poslovnih zgrada i prostorija u vlasništvu Grada Gradačac.

Član 2.

Poslovna prostorija u smislu ove odluke je poslovna zgrada ili poslovna prostorija sa značenjem koje im propisuje Zakon o zakupu poslovnih zgrada i prostorija ("Službeni list SR BiH", broj 33/77, 12/87, 30/90 i "Službeni list R BiH", broj 7/92, 3/93 i 13/94), a ova Odluka osim navedenih poslovnih prostora tretira i izdavanje u zakup "Gradine" koja je pod posebnim režimom zaštite kao nacionalni spomenik.

Član 3.

Poslovne prostorije se dodjeljuju u zakup za obavljanje djelatnosti pravnih i fizičkih lica, državnih organa i organizacija, političkih stranaka, udruženja građana i samostalnih privrednika.

Član 4.

Stručne, administrativno-tehničke i druge poslove vezano za zasnivanje, trajanje i prestanak zakupa, vrši Služba za geodetske i imovinsko-pravne poslove, za poslovne prostore koji su u vlasništvu Grada Gradačac (u daljem tekstu nadležna služba).

Služba vodi i redovno ažurira interni registar poslovnih prostorija u vlasništvu Grada Gradačac.

II - POSTUPAK IZDAVANJA POSLOVNHIH PROSTORIJA

Član 5.

Poslovne prostorije iz člana 2. ove Odluke daju se u zakup na osnovu Odluke o raspisivanju javnog oglasa za davanje u zakup poslovnih prostorija, koju donosi Gradsко вijeће.

Davanje u zakup objavljuje se putem javnog konkursa (oglasa), a vrši se putem licitacije.

Izuzetno, davanje u zakup se može izvršiti neposrednom pogodbom, na način utvrđen zakonom i ovom odlukom.

Član 6.

Javni konkurs (oglas) o davanju u zakup poslovnih prostorija objavljuje Gradonačelnik putem Službe za geodetske i imovinsko-pravne poslove, a provodi ga komisija koju imenuje Gradonačelnik iz reda državnih službenika, za svaki oglas pojedinačno.

Komisija za provođenje javnog oglasa sastoji se od predsjednika i dva člana, a svaki od članova ima zamjenika. Komisija vodi zapisnik o svom radu prilikom otvaranja i razmatranja prijava.

Članovi komisije odgovaraju za svoj rad Gradonačelniku.

Postupak licitacije putem usmenog javnog nadmetanja provodi komisija, shodno odredbama Pravilnika o postupku javnog konkursa za raspolaganje nekretninama u vlasništvu F BiH, kantona, općine i gradova («Službene novine F BiH», broj:17/2014).

Član 7.

Tekst javnog konkursa (oglasa) objavljuje se na radio stanici Gradačac, web stranici i oglasnoj ploči Grada Gradačac kao i u drugim sredstvima informisanja, ako se ukaže potreba za tim.

Sadržaj javnog konkursa (oglasa) priprema nadležna služba, a isti ostaje otvoren 15 dana od dana objavljivanja.

Član 8.

Javni konkurs (oglas) sadrži sljedeće:

- podatke o poslovnom prostoru (adresa, površina i namjena),
- vrijeme na koje se poslovni prostor izdaje u zakup,
- početni iznos mjesечne zakupnine (po 1 m² ili cijela zakupnina),
- ~~- odredbe ko može biti učesnik u postupku,~~
- podatke o dokumentaciji koju treba priložiti,
- vrijeme i mjesto održavanja licitacije,
- ~~- odredbu o najpovoljnijoj ponudi,~~
- ~~- odredbu da se ne mogu prihvati prijave pravnih i fizičkih lica koji su po bilo kom osnovu dužnici prema Gradu Gradačac,~~
- način polaganja pologa,
- odredbu da se učesniku čija je ponuda utvrđena kao najpovoljnija, uplaćeni polog uračunava u zakupninu, a učesnicima čije ponude nisu prihvateće, polog će biti vraćen,
- odredbu da se uplaćeni polog ne vraća najpovoljnijem ponuđaču, ako odustane od zaključenja ugovora o zakupu,
- odredbu da ako najpovoljniji ponuđač ne zaključi ugovor u roku od 5 dana od zaključenja postupka licitacije, smatra se da je odustao od ponude.

Javni konkurs (oglas) može sadržavati i druge posebne uslove davanja u zakup, ovisno o predmetu zakupa.

Član 9.

Pravo učešća na javnom konkursu (oglasu) imaju sva fizička i pravna lica, osim fizičkih i pravnih lica koja prema Gradu Gradačac imaju neizmireno dugovanje po bilo kom osnovu, kao i pravna lica u vlasništvu fizičkih lica koja imaju neizmirena dugovanja prema Gradu Gradačac.

III - KRITERIJI I MJERILA

Član 10.

Najpovoljnija ponuda po javnom konkursu (oglasu) je ponuda koja sadrži najviši ponuđeni iznos zakupnine.

Ne može se prihvati ponuda čiji je ponuđeni iznos niži od početne zakupnine navedene u javnom konkursu (oglasu).

Uslovi za određivanje najpovoljnije ponude po javnom konkursu (oglasu) za izdavanje u zakup poslovnih prostorija političkim strankama i partijama koje imaju formirane klubove u Gradskom vijeću, a kojima Gradsko vijeće obezbjediće rad u skladu sa Poslovnikom o radu Gradskog vijeća, kao i boračkim udruženjima, humanitarnim organizacijama i kulturnim institucijama koje djeluju na prostoru grada Gradačac, kao organizacijama od posebnog društvenog interesa, će biti određeni u Odluci o raspisivanju javnog oglasa za davanje u zakup poslovnih prostorija, koju donosi Gradsko vijeće.

Član 11.

Ako ne uspije prva licitacija, licitacija se ponavlja.

Ako ne uspije ni ponovljena licitacija, smatra se da je javno nadmetanje bezuspješno.

U slučaju iz stava 2.ovog člana, davanje u zakup može se izvršiti neposrednom pogodbom, s tim što ponuđeni iznos zakupnine, ne može biti niži od početnog iznosa zakupnine, objavljenog u oglasu o licitaciji.

Licitacija se može održati samo ako u njoj učestvuju najmanje dva učesnika.

Ako se na licitaciju javi samo jedan učesnik, komisija može pristupiti postupku izdavanja u zakup neposrednom pogodbom, pod uslovom da ponuđeni iznos zakupnine, ne može biti niži od početnog iznosa zakupnine, objavljenog u oglasu o licitaciji.

IV - VISINA I NAČIN PLAĆANJA

Član 12.

Visina zakupnine po jedinici korisne površine (m²) objekta, poslovnog prostora ili poslovne prostorije u zonama gradskog građevinskog zemljišta, određuje se u KM i mjesечно iznosi:

- u zoni I	10,00 KM
- u zoni II	8,00 KM
- u zoni III	6,00 KM
- u zoni IV	4,00 KM
- u zoni V	3,00 KM
- u zoni VI	2,00 KM
- za objekte koji se nalaze na ostalom građevinskom zemljištu, visina zakupnine po 1 m ² iznosi.....	1,00 KM
- za poslovne prostorije koje se nalaze u objektima u ostalim naseljima općine Gradačac, visina zakupnine po 1 m ² iznosi	2,00 KM
- za cijeli objekat i krug Gradine zajedno sa objektom «Lovac», ukupan iznos zakupnine, mjesечно iznosi	1.260,00 KM.

Navedeni iznosi predstavljati će početni iznos zakupnine kod licitacije poslovnog prostora za dodjelu u zakup, a što se odnosi i na navedeni iznos zakupnine za objekat i krug Gradine i objekat «Lovac».

Visina zakupnine za političke stranke i partije koje imaju formirane klubove u gradskom vijeću, a kojima gradsko vijeće obezbjeđuje rad u skladu sa Poslovnikom o radu gradskog vijeća, kao i boračkim udruženjima i humanitarnim organizacijama kao organizacijama od posebnog društvenog interesa, će biti obračunata po cijeni iz stava 1. alineja 7. bez obzira na lokaciju poslovne prostorije.

U navedeni iznos iz stava 1. ovog člana nije uračunat PDV.

Član 13.

Ugovor o zakupu poslovnih prostorija u ime Grada Gradačac zaključuje Gradonačelnik, uz prethodno pribavljeno mišljenje Gradskog pravobranilaštva.

Ugovor o zakupu poslovnih prostorija u vlasništvu Grada Gradačac zaključuje se u formi notarski obrađene izvršne isprave, a troškove notarske obrade snosi zakupac.

Ugovor o zakupu poslovnih prostorija u vlasništvu Grada Gradačac zaključuje se u pravilu na period od 2 (dvije) godine, a izuzetno se može zaključiti na duži rok, ali ne duži od 10 (deset) godina, što određuje Gradsko vijeće prilikom donošenja pojedinačnih Odluka o raspisivanju javnog oglasa za davanje poslovne prostorije u zakup.

Ugovori o zakupu poslovnih prostorija za rad klubova vijećnika se zaključuju na period od 4 (četiri) godine a nakon održavanja lokalnih izbora, prema kriterijima brojnosti klubova i poslovnih prostorija kojima raspolaze Grad Gradačac.

Zakupnina iz ugovora o zakupu poslovnih prostorija u vlasništvu Grada Gradačac se plaća mjesečno, unaprijed i to najkasnije do 5-og za tekući mjesec ukoliko se ugovorne strane o tome drugačije ne dogovore.

V - PRAVA I OBAVEZE UGOVORNIH STRANA

Član 14.

Nadležna služba predaje zakupcu u posjed poslovnu prostoriju, a prilikom primopredaje sastavlja se zapisnik u koji se unose podaci o stanju poslovne prostorije.

Zakupac je dužan u svako doba omogućiti zakupodavcu pristup imovini, radi provjere stanja u kome se nalazi, načina korištenja i održavanja.

Član 15.

Zakupac je dužan plaćati zakupninu, troškove redovnog održavanja, troškove električne energije i komunalnih usluga.

Član 16.

Zakupac ne može poslovni prostor izdavati u podzakup, bez pisane saglasnosti zakupodavca.

Član 17.

Zakupac ne može vršiti investiciona ulaganja u poslovni prostor bez pisane saglasnosti zakupodavca.

Ukoliko zakupac izvrši investiciona ulaganja u prostor bez saglasnosti zakupodavca, ista se ne mogu prebijati kroz zakupninu.

Zakupac ne može za izvršena investiciona ulaganja tražiti naknadu, ne može odnijeti ugrađene uređaje, niti oštetiti poslovnu prostoriju, a po proteku zakupodavnog odnosa sva ulaganja ostaju u

vlasništvu Grada Gradačac.

VI - PRESTANAK ZAKUPA

Član 18.

Ugovor o zakupu poslovnog prostora prestaje na način propisan zakonom, ovom odlukom i ugovorom o zakupu.

Član 19.

Ugovor o zakupu poslovnih prostorija zaključen na određeno vrijeme, prestaje istekom vremena na koje je zaključen.

Nadležna služba je dužna najkasnije 30 dana, prije isteka zakupodavnog odnosa, pisanim putem obavijestiti zakupca o datumu isteka roka na koji je ugovor zaključen, te zatražiti da zakupac do datuma isteka zakupodavnog odnosa oslobodi poslovnu prostoriju od lica i stvari, kao i izmiri sve obaveze.

Ukoliko zakupac ne postupi na način naveden u stavu 2. ovog člana, na zahtjev nadležne službe tužbom će biti pokrenut postupak za predaju ispraznjениh prostorija, putem Gradskog pravobranilaštva.

Član 20.

Grad Gradačac može u svako doba otkazati ugovor o zakupu poslovne prostorije, bez obzira na ugovorene ili zakonske odredbe o trajanju zakupa, ako zakupac:

- onemogući zakupodavcu nesmetanu kontrolu korištenja poslovnih prostorija,
- u poslovnoj prostoriji ne obavlja djelatnost iz ugovora duže od 60 dana,
- ne plati dvije dospjele mjesecne zakupnine.

Otkazni rok ne može biti kraći od 30 dana, računajući od dana kada je druga strana primila izjavu o odustanku od ugovora.

Član 21.

Zakupac može otkazati ugovor o zakupu ne navodeći razloge.

VII - PRELAZNE I ZAVRŠNE ODREDBE

Član 22.

Postojeći ugovori o zakupu će biti na snazi do isteka roka na koji su zaključeni.

Nakon isteka ovog roka, postojeći ugovori se moraju uskladiti sa odredbama ove odluke, tako što će nadležna služba postupiti u skladu sa članom 20. ove odluke.

Član 23.

Na ugovorne odnose iz ugovora o zakupu poslovnih prostorija u vlasništvu Grada Gradačac, primjenjivaće se odredbe Zakona o zakupu poslovnih zgrada i prostorija u svim pitanjima koja nisu uređena ovom odlukom.

Član 24.

Stupanjem na snagu ove odluke stavlja se van snage: Odluka o davanju u zakup poslovnih zgrada i prostorija u vlasništvu Općine Gradačac ("Službeni glasnik Općine Gradačac", broj 12/17).

Član 25.

Ova odluka stupa na snagu osmog dana od dana objavljivanja u "Službenom glasniku Grada Gradačac".

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradska vijeće -**

Broj: 01-04-144/20
Datum: 25.06.2020. godine
G r a d a č a c

**PREDSJEDAVAJUĆI
GRADSKOG VIJEĆA**

Kujraković Husein, prof.

